



REPUBLIKA E SHQIPËRISË

BASHKIA VAU DEJËS

DREJTORIA E MENAXHIMIT TË PYJEVE, BUJQËSISË DHE MBROJTJES SË

MJEDISIT

SEKTORI I MENAXHIMIT TË PYJEVE

Nr. 942/prot.

Vau Dejës, më 24.02.2025

Lënda: Dërgohet material për shqyrtim e miratim

Z. Ervis Shimaj

KRYETAR I KËSHILLIT BASHKIAK VAU DEJËS

I nderuar z. Kryetar,

Bashkëngjitur po ju dërgojmë projekt vendimin dhe relacionin shoqërues “Për miratimin e planit të masave për parandalimin dhe shuarjen e zjarreve në fondin Pyjor e Kullosor për vitin 2025”.

Me respekt,

KRYETARI I BASHKISË

Kristian Shkreli

NË MUNGESË DHE ME URDHËR

ZV/KRYETARI

Aleksandra Gjoni



Datë: _____

Nr. i faqeve A4 të projekt-vendimit: 2

Nr. i faqeve A4 të relacioni shoqërues: 9

Nr. i i fletëve të dokumenteve që shoqërojnë projekt vendimin: 64



REPUBLIKA E SHQIPËRISË

DREJTORIA E MENAXHIMIT TË PYJEVE, BUJQËSISË DHE MBROJTJES SË
MJEDISIT

SEKTORI I MENAXHIMIT TË PYJEVE E KULLOTAVE

PROJEKT V E N D I M

Nr. 03, datë 24.02.2025

**“Për miratimin e planit të masave për parandalimin dhe shuarjen e zjarreve në fondin
Pyjor e Kullosor për vitin 2025”**

Mbështetur në nenin 9 pika 1.2 germa “a”, nenit 27 pika 5, neni 64 germa “c” të ligjit nr. 139 datë 17.12.2015 “Për vetëqeverisjen vendore”, i ndryshuar; nenin 30 pika 4 germa “b” dhe “c” të ligjit Nr.57 datë 30.4.2020: “Për Pyjet”, i ndryshuar; nenin 26 germa “c” të ligjit Nr. 9693, datë 19.3.2007 “Për fondin kullosor” i ndryshuar; ligjin nr. 115/2014 “Për ndarjen administrative-territoriale të njësisë të qeverisjes vendore në Republikën e Shqipërisë”, i ndryshuar; pikën 49, shtojca 47 të VKM-së nr. 433 datë 08.06.2016 “Për transferimin në pronësi të bashkive pyjeve dhe kullotave publike, sipas listës së inventareve, dhe aktualisht në administrim të Ministrisë së Mjedisit e të ish komunave/bashkive”, i ndryshuar; nenin 11, nenin 30 germa “i”, “j”, “k” të ligjit nr. 45 datë 18.07.2019 “Për mbrojtjen Civile”; VKM –në nr. 807 datë 28.12.2023 “Për Miratimin e Planit Kombëtar për Emergjencat Civile”; Urdhërin nr.1024, datë 06.11.2023 të Kryetarit të Bashkisë Vau Dejës “Mbi ngritjen e Komisionit Vendor të Mbrojtjes Civile, në Bashkinë Vau Dejës; kreun III i ligjit Nr. 10 431, datë 09.06. 2011 “Për Mbrojtjen e Mjedisit”; VKM-në nr. 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota” ligjin Nr. 152, datë 21.12. 2015 “Për shërbimin e mbrojtjes nga zjarri dhe shpëtimi” si dhe në aktet e tjera ligjore dhe nënligjore, i propozojmë Këshillit të Bashkisë Vau Dejës, ku në mbledhjen e datës _____._____2025 të:

VENDOSI

1. Miratimin e planit të masave për parandalimin dhe shuarjen e zjarreve në fondin Pyjor e Kullosor për vitin 2025.

HARTOI PROJEKT-VENDIMIN DREJTORIA E MENAXHIMIT TË PYJEVE, BUJQËSISË DHE MBROJTJES SË MJEDISIT

Konceptoi: Mark Suli, Specialist



Pranoi: Zeqir Ujka, Përgjegjës



Miratoi: Vehbi Shkjau, Drejtor



**KRYETARI
KRISTIAN SHKRELI**

**NË MUNGESË DHE ME URDHËR
ZV/KRYETARI
ALEKSANDRA GJONI**




Sektori i Asistencës Ligjore, Kontratave dhe Çështjeve Gjyqësore, Drejtoria Juridike e Prokurimeve dhe Aseteve:

Konfirmoi bazën ligjore të projekt-vendimit: Ersilda Preka, Specialist



Pranoi bazën ligjore të projekt-vendimit: Marinela Deda, Drejtor





REPUBLIKA E SHQIPËRISË

BASHKIA VAU DEJËS

DREJTORIA E MENAXHIMIT TË PYJEVE, BUJQËSISË DHE MBROJTJES SË MJEDISIT
SEKTORI I MENAXHIMIT TË PYJEVE E KULLOTAVE

Nr. 7 Prot.

Vau Dejës, me 29/02 2025

RELACION

“Për miratimin e planit të masave për parandalimin dhe shuarjen e zjarreve në fondin Pyjor e Kullosor për vitin 2025”

Drejtuar : Këshillit Bashkiak Vau i Dejës

Të nderuar këshilltarë,

Bashkia Vau-Dejës ndodhet në Qarkun e Shkodrës dhe shtrihet në pjesën veriore të vendit. Qendra më e madhe e afërt urbane është qyteti i Shkodrës, vetëm 20 km larg; ndërsa largësia nga Tirana, kryeqyteti i vendit është 92 km. Bashkia kufizohet në veri dhe në perëndim me Bashkinë e Shkodrës, në lindje me Bashkinë Fushë Arrëz ndërsa në jug me Bashkitë Pukë dhe Lezhë. Qendra e Bashkisë është qyteti i Vau Dejës.

Bazuar në Reformën Territoriale, miratuar me Ligjin nr. 115/2014 “Për ndarjen administrativo-territoriale të njësive të qeverisjes vendore në Republikën e Shqipërisë”, kjo bashki përbëhet nga 6 njësi administrative, të cilat janë: Bushat, Hajmel, Vig Mnelë, Vau-Dejës, Temal dhe Shllak. Bashkia ka nën administrim 47 fshatra dhe një qytet. Njësia administrative Bushat ka numrin më të lartë të fshatrave (14 fshatra), i cili vijohet nga Temal (10 fshatra). Njësitë administrative Vig Mnelë dhe Hajmel kanë një numër shumë të vogël të fshatrave, respektivisht tre dhe pesë. Të gjitha njësitë janë pjesë e Rrethit Shkodër të Qarkut Shkodër.

Administrimi i fondit pyjor dhe kullosor në territorin e Bashkisë Vau Dejës, është një funksion i deleguar i bazuar në ligjin nr. 139/2015 “Për vetëqeverisjen vendore” neni 22 pika 4 dhe neni 27 pika 5 i këtij Ligji ku parashikohet:

“Funksionet e bashkive në fushën e bujqësisë, zhvillimit rural, pyjeve dhe kullotave publike, natyrës dhe biodiversitetit

... 5. Administrimin e fondit pyjor dhe kullosor publik, sipas legjislacionit në fuqi.”

Në Ligjin nr. 45/2019 “Për mbrojtjen civile”, neni 11 parashikohet:

“Strategjia vendore për zvogëlimin e riskut nga fatkeqësitë

Çdo njësi e vetëqeverisjes vendore, me vendim të këshillit bashkiak, miraton, minimalisht çdo pesë vjet, strategjinë vendore për zvogëlimin e riskut nga fatkeqësitë, të harmonizuar me Strategjinë Kombëtare për Zvogëlimin e Riskut nga Fatkeqësitë.”

Në Ligjin nr. 57/2020 “Për pyjet” i ndryshuar, neni 30 parashikohet:

“Mbrotjtja e fondit pyjor kombëtar

4. Për parandalimin e zjarreve në fondin pyjor kombëtar:

b) struktura përgjegjëse për pyjet në bashki, si dhe pronarët privatë, çdo vit hartojnë planin për parandalimin dhe shuarjen e zjarreve, për sipërfaqen e fondit pyjor kombëtar në territorin e tyre, ku përfshihen mjetet në dispozicion, si dhe numri i personave të organizuar në njësitë e posaçme për këtë qëllim, duke koordinuar dhe zbatuar të gjitha përcaktimet e ligjit përkatës për mbrojtjen civile, vlerësimin e rrezikut nga fatkeqësitë dhe planin vendor për emergjencat civile;

c) plani për parandalimin dhe shuarjen e zjarreve në fondin pyjor kombëtar miratohet nga këshilli bashkiak brenda muajit mars të çdo viti. Bashkitë koordinojnë këtë plan me detyrimet e ligjit përkatës për mbrojtjen civile, për të siguruar funksionimin e sistemit të monitorimit, të paralajmërimit të hershëm, të njoftimit dhe të alarmit në territorin e tyre. Subjektet, që ushtrojnë veprimtari në fondin pyjor kombëtar, detyrohen sipas ligjit përkatës për mbrojtjen civile të garantojnë mbrojtjen nga zjarret në këto sipërfaqe, duke hartuar/përditësuar planet për mbrojtjen e tyre nga zjarret, të harmonizuara me planet e jashtme për emergjencat civile të bashkisë dhe prefekturës, si edhe detyrimin për rregulloret e brendshme të tyre”.

Ligji Nr. 9693 datë 19.3.2007 “Për fondin kulllosor” i ndryshuar, neni 26 parashikon:

“Organet e qeverisjes vendore dhe pronarët privatë, që zotërojnë kullota dhe livadhe, kanë këto kompetenca:

c) marrin masa për parandalimin e zjarreve dhe për shuarjen e tyre”

Ligji nr. 152, datë 21.12. 2015 “Për shërbimin e mbrojtjes nga zjarri dhe shpëtimi”, paraqet:

“Zjarr masiv” është zjarri që zhvillohet apo tenton të zhvillohet në sipërfaqe e volume të konsiderueshme, për përballimin e të cilit, përveç forcave operacionale, mjeteve e pajisjeve që zotëron shërbimi zjarrfikës i një stacioni, kërkohet edhe pjesëmarrja për ndihmë nga stacionet zjarrfikëse të bashkive të tjera.

“Zjarr me përmasa të mëdha” është zjarri që zhvillohet në sipërfaqe e volume të mëdha, për përballimin e të cilit, përveç forcave operacionale, mjeteve e pajisjeve që zotëron shërbimi zjarrfikës, kërkohet edhe pjesëmarrja, për ndihmë, e forcave e mjeteve të shërbimeve apo strukturave të tjera operuese.

“Organizim i ndërhyrjes në shuarjen e zjarrit dhe shpëtim” është tërësia e masave tekniko organizative të nevojshme, për organizimin e forcave të ndryshme, mjeteve, pajisjeve zjarrfikëse, metodave e taktikave, të cilat përdoren për ndërhyrjen në shuarjen e zjarrit, evakuimin dhe shpëtimin e jetës së njerëzve, kafshëve dhe pronës.

VKM-ja nr.1080 datë 22.12.2010 “Mbi rregullat për parandalimin dhe shuarjen e zjarreve në pyje dhe kullota” parashikon:

“1. Për parandalimin dhe zbulimin në kohë të rreziqeve nga zjarret në pyje e kullota, si dhe për shuarjen e tyre, drejtoritë përkatëse të shërbimit pyjor kryejnë këto detyra:

a) Hartojnë planet e masave për parandalimin dhe menaxhimin e zjarreve në pyjet dhe kullotat, në pronësi e në administrim të qeverisjes qendrore, në përputhje me planin e masave për parandalimin dhe menaxhimin e zjarreve në pyjet dhe kullotat, të miratuar nga ministri përgjegjës, dhe me udhëzimet e Drejtorisë së Emergjencave Civile. Në këto plane të jepen në mënyrë të hollësishme masat e veprimet e domosdoshme për parandalimin e rreziqeve nga zjarri, veprimet për zbulimin e shuarjen e zjarreve dhe për rehabilitimin e sipërfaqeve të dëmtuara nga zjarri. Përgatitja e planit operativ vjetor për mbrojtjen e pyjeve nga zjarret.”

Bazuar në ligjin Nr. 57 datë 30.4.2020 “Për Pyjet” i ndryshuar, ligjin Nr. 9693, datë 19.3.2007 “Për fondin kullosor” i ndryshuar, ligjin Nr. 10 431, datë 09.06. 2011 “Për Mbrojtjen e Mjedisit”, si edhe VKM-në nr. 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota”, hartohet plani operativ për mbrojtjen e pyjeve nga zjarri.

Për parandalimin dhe shuarjen e zjarreve në pyje e kullota është e nevojshme të kryhen punime paraprake në hapjen e koridoreve në pyjet që kanë reziqshmëri me të lartë në rënien e zjarreve, si dhe vendosja e sinjalistikës për zjarret, si sensibilizim i komunitetit.

Në rastin e shfaqjes së zjarreve në Pyje e Kullota, organizohen forca dhe mjete, të cilat krahas punës në shuarjen e zjarreve kanë edhe kostot e tyre.

Për këtë nevojitet një fond i vecantë, brenda fondit prej 4% të planifikuar për emergjencat civile sipas ligjit. Më poshtë jepet preventivi përkatës:

Nr.	Emërtimi	Njësia	Sasia	Vlera Njësi	Vlera Lekë
1	Sinalistike për mbrojtjen nga zjarri, vendosje tabeta, parudha, etj	Cope	10	5000	50000

2	Hapje koridore ne pyje per parandalimin e zjarreve	Ha	3	100000	300000
3	Honorare per fikje zjarri nga vullnetaret	orë pune	2500	229.9	574750
4	Ore shtese jashte orari zyrtar e personelit pyjor dhe strukturave tjera te bashkisë.	orë pune	1000	287	287000
5	Karburant	litra	1800	180	324000
	Totali				1.535.750

Duke ju falenderuar, ju ftojmë në miratimin e projekt vendimit.


Specialist

Ing .Mark Suli



Pergjegjes Sektori

Ing.Zeqir Ujka



Drejtore

Vehbi Shkja



KRYETARI I BASHKISË

Kristian Shkreli

NË MUNGESË DHE ME URDHËR

ZV/KRYETARI

Aleksandra Gjoni

